

## 30 ТОМДЫҚКА НЕ ТОПТАСҚАН?

2004 жылдың 30 қантарында Мекемтас Мырзахметұлының жетекшілігімен «Бауыржан Момышұлы мұралары – ХХI ғасыр көнінде» атты ғылыми жобаны іске асыруши жұмысшы топ құрылған болатын. Бұл топ даңқты батырдың 100 жылдық мерейтойы қарсаңында Баукеннің 30 томдық академиялық шығармаларын баспаға даярлад, ол 2010 жылдың 22 қыркүйегінде «Өнер» баспасынан толығымен жарық көрді.

30 томдықтың алғашқы 15 томы Б.Момышұлының әр жылдары жазылған роман, әңгімелерінен құралды. Балалық шағынан сыр шертетін «Ұшқан ұя», «Наша семья», Москва түбіндегі сұрапыл оқиғалары арқау болған «Москва үшін шайқас», «За нами Москва», «Курляндия майданы», өмірінің киль кезендерінің кызықты тұстарынан сыр шертетін «Музей апа», «Перо – самое тяжелое оружие», 1963 жылғы Куба сапарындағы естелік әңгімелерін баяндайтын «Куба

әсерлері», құнделіктерінен құралған «Айтылмаған ақиқат», «Не исчезающий след», даңқты командиріне арнаған «Генерал Панфилов» сынды туындылары осы 15 томның ішінде. Ал кейінгі 4 томға Баукеннің 1944 жылдың басында Алматыға демалыска келгенінде Мұхтар Әуезовтің ұсынысымен қазақтың зиялы қауым өкілдерінің арасында әскери патриоттық тақырыпта оқыған лекциялары «Канмен жазылған кітап», «Психология войны» деген атпен, соғыс тақырыбында жазылған өзге де шығармалары «Правда о войне», «Тысячи мыслей, тысячи сомнений» де-

ген атпен енгізілді. Ал кейінгі 5 том «Алыстан сәлем жолдаймын» деген атпен Б.Момышұлының өкімет басшылары, қаламдастары мен әскери әріптестері, дос-жарандарымен жазысқан өз хаттарына арналса, 1 том «Очарование» деген атпен арулардың Баукеңе жазған хаттарынан құралды. 26-томда Баукеннің әкесі Момыштан өз қолымен жазып алған «Шежіресі» берілген. Ал Александр Бектің атакты «Арпалысы» 30 томдықтың 3 томын құрады. Соңғы 30-том Бауыржан қаламынан туындаған өлең-жыр мен терме-толғау, мақал-мәтеддеріне арналып, «Жүрекпен жырлап толғаймын» деген атпен жарық көрді.

Марфуга ШАПИЯН  
marfuga89@mail.ru



Баукеннің 100 жылдық мерейтойына орай  
басылған 30 томдық шығармалар жинағы